

# ЛЕНИН ТУЙ ВЫЛЭТ

(По ленинскому пути)

ВКП(б)  
Окружно млэн  
ВКП(б)  
Кудымкарскэй  
Райкомлэн да  
Окрисполкомлэн  
орган

## Образцовэя чулэтны няньпоставка

Коммунистическэй партия руководство увтын, ёрт Сталинлэн быллуна вниманнэ сьэрти социалистическэй сельскэй хозяйство имейтэ грандиознэй победаез. Миян великэй родинаись колхоз'ез да совхоз'ез успехэн решайтэны ёрт Сталинлись сувтэтэм задача—быд годэ производитны нянь 7—8 миллиардов пудов.

Ыджытэсь успехез сельскэй хозяйствонь и миян округын. Одзын мунись колхоз'ез босытаныни с'етшэм урожай, кытшэмэ век эз адзын важэя дореволюционнэй деревня. Урожай л'ебэ вылэжык. Колхознэй ыббэзлэн вылын урожайыс лоз устойчивэй.

Большевицкэй партиалэн Центральнэй Комитет да советскэй правительство миян Свердловскэй областись колхоз'езлэ 1937 годэ сетисэ ыджыт льготаз. Гайнскэй районись колхоз'ез, кызд севернэй район, быдсэн освободитэмазь няньпоставкасынь. Советскэй крестьянство понда миян страаын проявятчэ подлиннэй сталинскэй забота. Донажык лоз колхозниклэн уджлун, овны лоз сё зажиточнэйжык да гажажык.

Уборка образцовэя организуйтэм да государство одзын обязательствоз тыртэм являйтчэ первейшэй обязанностьэн социалистическэй деревняись быдэс уджалиссез одзын. Миян округись колхоз'ез имейтэны быдэс возможностез, медбы бур качествоэн минты няньпоставка—тыртны государство одзын первейшэй обязанность.

Факт'ез мыччалэны, што эта уджыс миян округын л'едзем самотек вылэ. Чувствуйтчэ самотек да самоуспокоенность, мукэд достигнутэй успехезсянь зазнайство. Токо сийэн и позьэ об'яснитны с'етшэм положеннэс, што вартан машинаез колхоз'езын быдса нагрузкаэн озе используйтчэ. Кудымкарскэй МТС-лэн, например, вартан машинаезыс 80 процент сулалэны весь. Районнэй

организацияезись руководителлэз озе учитывайтэ меймуся годэя вредительскэй последствияезсэ, кэр миян округын мукэд колхоз'езын сюсэ вартисэ токо гожумнас, а мукэдлаын и энэдз сулалэны варттэм шороммез.

Округлэн учэтэсь темпез няньпоставка план тыртэмьин. Совершенно умэля нянь примитэм кежэ лэсьэтчис „Заготзернолэн“ Юринскэй пункт. Няньслатчиккез быдса лунн'езэн сулалэны очередьын, кэр примитасэ сысянь нянь. Культурнэй обслуживаннэ пунктын абу организуйтэм. Эта керсьэ Округнэй организацияез син одзын. Юсьваын да Юрланы и энэдз складд'ез кызд колэ не готовэсь примитны нянь. Юсьвинскэй районись колхоз'ез быдса джын месяц видзчисисэ, кэр заготовительнэй организацияез лозэс готовэсь примитны нянь. Ена факт'езыс мыччалэны, што миян округись заготовительнэй организацияын не быдэс благополучно, што вредительскэй последствияезкэт естэн абу не кытшэм песьсэм.

Сентябрь 1 лун кежэ округ пасьта нянь поставка план тыртэм 24 процент вылэ. Кудымкарскэй район няньпоставка план тыртисэ 37 процент вылэ, Юринскэй—15 процент, Юсьвинскэй да Косинскэй—13 процент, а Кочевскэй токо 8 процент. Босыны-кэ этлаэн няньпоставка план, натурплата да ссудаез мынтэм, то округ пасьта государство нянь мынтэм планыс тыртэм токо еше 10 процент вылэ.

Сулалэ самэй бур кад. Этлаын уборочнэй удж форсируйтэмкэт озков вунэтны и государственнэй обязательствоз тыртэм йылись, ибо срок кежэ государство одзын обязательствоз тыртэм являйтчэ первейшэй заботаэн МТС-езись да колхоз'езись руководителлэзлэн, быдэс колхозниккезлэн да колхозницаезлэн. Етэ озков вунэтны этик минута кежэ.

## Урожай убирайтэм 93 проц. вылэ

(Телефон-пыр Юсьвасянь)

Юсьвинскэй районын сентябрь 3 лун кежэ урожай убирайтэм 93 проц. вылэ. Район пасьта кончитисэ уборка 19 колхоз. Баталовскэй сельсоветын быдэс колхоз'ез кончитисэ уборка. 90 процентсынь 100 процентэдэ районын вундисэ 36 колхоз.

Юсьвинскэй МТС-ись комбайнер Тюляев ета-жэ число кежэ комбайнен вундисэ 214 га.

Районын умэля мунае силосованнэ. Гожум чулалэны, а пондэтчисэ силосуйтны токо еше Архангельскэй сельсоветись колхоз'ез, кытэн силосуйтэм 200 тонн мымда да Боталовскэй сельсоветын 70 тонн. Юсьвинскэй, Тиминскэй, Онковскэй да мэдик сельсоветт'езын колхоз'ез силосованнэ бердэ езна кутчисьлэ.

Тотьянин

## Уджлун вылэ

13—14

## килограммэн

Самковскэй сельсоветись „Краснэй октябрь“ колхозын уборочнэй удж мунае не умэля. 32 колхознэй хозяйство понда вэли кэдзэм 117 га. Етэ сюсэ важын-ни дзимлялыштисэ.

Бура уджалисэ уборка вылын машинаст—комсомолец ёрт Шипицин Семен Н., лунся норма тыртлис пыр 140—150 процент вылэ. Бура уджалисэ и мэдик колхозниккез, кызд Пеманев Федор М., Архипов Яков пар гэрэм удж вылын.

Мейму уджлун вылэ получилим 11 килограммэн, а таво колхозниккез получитасэ еше унажыкэн 13—14 килограммэн.

Е. Архипов

СССР Верховнэй Советлэн депутат, Кушнаренковскэй МТС-ись (Башкирскэй АССР) стахановскэй тракторнэй бригадалэн бригадир орденоносец Рустам Ахметзянович Гадыльшин часто навещайтэ ассисе бэрйиссезэс колхозниккезэс да уджалиссезэс Кушнаренковскэй районись, интересуйтчэ ны оланэн, висьтасьэ аслас стахановскэй удж опыт йылись.



СНИМОК ВЫЛЫН: (веськытланьсянь шульгала-нэ) Р. А. Гадыльшин беседуйтэ Молотов нима колхозись 86 годсы колхозниккэт Шайэсур Ислам Садыковкэт.

Фото В. Башкировлэн (Союзфото) „Прессклише“.

## Враг лозс уничтожитэм аслас территорияын

### Юринаын допризывнэй пунктын допризывниккезлэн собраннэ вывсаянь резолюция

Мийэ, 1917—1918 годд'езсы призывниккез, да призывниккезлэн роднэйез, кэдна кольлаламэ Краснэй Армия рядд'езэ ассиным зонн'езнымэс да вонн'езнымэс эксим митинг вылэ, кэда посвятитэм призывниккезлэн Краснэй армияэ мунэмлэ.

Мийэ бура тэдамэ, што Краснэй-армияэ мунике миян одзын сулалэны ыджыт задачаез: Выполняйтны СССР-ись гражданились почетнэй обязанность. Отличнэй овладэйтны миян перво-класснэй военнэй техникаэн. Защищайтны миянлись советскэй рубежжес сідз-жэ, кызд защи-

щайтисэ миян пэрись-жык ёрт'ез, кызд защищайтисэ краснознаменнэй Дальневосточнэй фронтын миян боецез, кэдна докажитисэ быдйэзлэ ассиныс преданность Ленин—Сталин делолэ да социалистическэй родиналэ.

Мийэ, призывниккез, сетам обязательство, што мийэ этнэ задачаезсэ выполнитам честьэн и етийэн обеспечитам миян СССР-ын спокойствие. Огэ сетэ некытшэм пощада сылэ, кин пытайтчас нарушайтны миянлись спокойствие да миянлись советскэй рубежжес—враг лозс уничтожитэм аслас территорияын.

Этлаын етакэт мийэ призывниккезлэн роднэйез обязуйтчам еше буржыка тэдсасыны РККА-кэт и отсавны сылэ.

Да олас миян Рабоче-Крестьянскэй Краснэй армия, кэда оснацитэм перво-класснэй военнэй техникаэн!

Да олас СССР-ись обороналэн Нарком, да СССР-ись первэй маршал ёрт Климент Ефремович Ворошилов!

Да олас Ленинлэн—Сталинлэн великэй партия, кэда организуйтис Краснэй Армияэс!

Да олас миян великэй вождь и велэтис ёрт Сталин!

## Мыля не быдэс школаез пондэтисэ велэтчан год?

Пондэтчис виль велэтчан год. Мукэд школаез Коми-Пермяцкэй округись виль велэтчан год кежэ готовитчисэ бура. Своевременнэя ремонтуйтисэ школаесэ да школьнэй инвентарь. Босьтисэ челядэ понда учебнэй пособияез, медбы вэлиэс быдэс возможностез челядэ велэтчыны тавося годын отлично да хорошо вылэ.

Но емэсь и с'етшэм школаез, кэднаын оз тырмэ учителлэз, абу керэм ремонт школаезын. А кэты

и керэм ремонтыс, но сия не быдсэн.

Например, Кудымкарскэй районись Александровскэй начальнэй школа (Кузьвинскэй сельсовет) ез уджав сентябрь 1-эй лунэ токо сийэн, што школа ез вэв комплектуйтэм учителлэзэн.

Нестеровскэй начальнэй школа (Самковскэй сельсовет) ез велэт куим лун сысянь, што школаись заведующей Усов ез вермы кончитны велэтчан год кежэ школаын ремонт.

Сідз-жэ Кочевскэй районись ез уджав сентябрь 3-эт лунэ Урынскэй начальнэй школа сысянь, што учитель ета школаись мунае Краснэй армияэ, а Районо сы туйэ абу ыстэм мэдик виль учительэс.

ОкРОНО-ын энэдз сё еше абуэсь сведеннэез мэдик районн'езсянь сы йылись, кызд готовитчисэ школаез виль велэтчан год кежэ.

Кин разрешитис народнэй образованнэ отделл'езлэ срывайтны велэтчан год?

Е. Т.

